



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 122. Parisiensis Parlamenti edictum adversus Lutheri libros.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

cuncta ista Procuratori Generali per edictum Sæcul. XVI. A.C. 1523.
 Curie tradita, & ipse Berquinus iterato in pleno Curie Confessu auditus fuisset, præcepit eadem Curia, ut Ludovicus Berquinus unacum libris suis ad Parisiensem Episcopum remittatur, qui duos dictæ Curie Consiliarios, ac nonnullos Facultatis Theologicæ Doctores advocet, ut communi opera circa ipsum factum, & crimina, de quibus accusatur, sententia feratur. Post hæc die octava Augusti Rex Berquinum ex Episcopali carcere per Fridericum Tribunalium extrahi, caussamque ad Regium Consilium evocari iussit, ubi a Cancellario iudicatus ac condemnatus fuit, ut quasdam propositiones hæreticas abjuraret, quod & præstitit.

§. CXXII.

Parisiensis Parlamenti edictum adversus Lutheri libros.

Die duodecima Mensis Augusti eodem Anno Parlamentum adversus Lutheri libros aliud promulgavit edictum Argentor pag. 407.
 hujus tenoris: Cum Procurator Generalis libros a Martino Lutero compositos, utpote pluribus erroribus ac damnatis hæresibus refertos comburi postulasset, omnibus & singulis cujuscunque status ac conditionis prohibemus, ne præfatos libros & Lutheri doctrinam vel

B b 3

reti-

Secul. XVI
A.C. 1523

retineant vel allegent, quocirca singulis præcipimus, ut intra triduum ad Curiae nostræ forum prædictos libros afferant, atque deponant, sub pœna carceris, & bonorum proscriptionis Laicis, Ecclesiasticis vero sub pœna exilii extra Regnum, & proscriptionis bonorum temporalium. Statuimus igitur, ut *perspectis Theologicæ Parisiensis Facultatis* iudicio hac de re lato, necnon præfatis libris, ac conclusionibus a Procuratore Generali scripto datis, omnes libri a Luthero compositi tanquam damnati in atrio Templi ad Beatam Virginem publice igni concrementur, atque ut hoc fiat, Regis ac Curiae nostræ auctoritate singulis cujuscunque status ac conditionis præcipimus, ut omnes, quotquot habent, Lutheri libros sequenti feria sexta ad præfatum locum & forum deferant, ac relinquunt, quo termino evoluta pœnam incurrant bonorum confiscationis, & proscriptionis a Regno. Injungimus quoque cunctis Judicibus, & Ministris, ut omnes illos, quos aut dicti Lutheri doctrinam tenere, vel allegare, aut illius libros retinere deprehenderit, comprehendant, captosque velut de hæresi suspectos Episcoporum manibus consignent. Hoc edictum in præcipuis Urbibus Parlamenti jurisdictioni obnoxiiis, veluti Parisiis, Lugduni, aliisque civitatibus promulgatum fuit.

§. CXXIII.